

CABINET - DYDD MAWRTH, 20 CHWEFROR 2024

COFNOD O GYFARFODY CABINET A GYNHALIWYD AR FFURF HYBRID YN SIAMBR Y CYNGOR - Y SWYDDFEYDD DINESIG, STRYD YR ANGEL, PEN-Y-BONT AR OGWR, CF31 4WB AR DDYDD MERCHER, 20 CHWEFROR 2024 AM 14:30

Yn bresennol

Y Cynghorydd HJ David – Cadeirydd

JC Spanswick
HM Williams

N Farr
JPD Blundell

W R Goode

J Gebbie

Ymddiheuriadau am Absenoldeb

Janine Nightingale Cyfarwyddwr Corfforaethol Cymunedau

Swyddogion:

Oscar Roberts
Carys Lord
Claire Marchant
Kelley Watson
Mark Shephard
Michael Pitman
Zak Shell
Alex Rawlin

Prentis Gweinyddu Busnes Gwasanaethau Democrataidd
Prif Swyddog - Cyllid, Perfformiad a Newid
Cyfarwyddwr Corfforaethol Gwasanaethau Cymdeithasol a Llesiant
Prif Swyddog - Gwasanaethau Cyfreithiol, Adnoddau Dynol a Rheolaethol
Prif Weithredwr
Swyddog Cymorth Technegol - Gwasanaethau Democrataidd
Pennaeth Gweithrediadau - Gwasanaethau Cymunedol
Rheolwr Polisi Corfforaethol a Pherfformiad

Datganiadau o Fuddiant

Dim

296. Canlyniad yr Ymgynghoriad 'Llunio Dyfodol Pen-y-bont ar Ogwr' 2024

Penderfyniad	<p>Cyflwynodd y Prif Swyddog Cyllid, Perfformiad a Newid adroddiad yn hysbysu'r Cabinet o ganlyniad ymgynghoriad cyllideb 'Llunio Dyfodol Pen-y-bont ar Ogwr' 2024 a oedd yn gofyn am farn dinasyddion ar yr hyn y maent yn ei ystyried ddylai fod yn feysydd blaenoriaeth ar gyfer dyrannu'r gyllideb ar gyfer y flwyddyn ariannol sydd i ddod, ac i archwilio'r safbwyntiau hynny yn erbyn cyllid a ddarperir gan Lywodraeth Cymru.</p> <p>Eglurodd fod yr ymgynghoriad wedi derbyn 2,839 o ryngweithiadau o gyfuniad o arolygon a gwblhawyd yn dilyn mynychu digwyddiadau ymgysylltu (sesiynau galw heibio wyneb yn wyneb), ymgysylltu drwy'r cyfryngau cymdeithasol a thrwy Banel Dinasyddion y Cyngor.</p> <p>Darparwyd adroddiad ymgynghori llawn yn Atodiad A yr adroddiad.</p> <p>Gwnaeth yr Aelod Cabinet dros Gyllid, Adnoddau a'r Gyfraith sylw ar y pwynt a wnaed ynghylch cadw Treth y Cyngor i'r isafswm posib. Tra bod hyn yn cael ei rannu ymysg yr Aelodau, roedd perygl i allu darparu gwasanaethau pe na bai Treth y Cyngor yn cael ei gosod ar lefel a oedd yn helpu i gydbwysu'r gyllideb.</p> <p>Gwnaeth yr Aelod Cabinet dros Newid Hinsawdd a'r Amgylchedd sylw ar y pwynt a wnaed am y gwasanaethau mae'r cyhoedd yn fodlon eu torri, gyda'r agenda Sero Net yn un ohonynt. Tra ei fod yn cefnogi barn y cyhoedd, gofynnodd am i'r cyhoedd gadw mewn cof fod gennym hefyd ddyletswydd i ddod yn Sero Net erbyn 2030. Ychwanegodd, wrth symud ymlaen, ein bod angen sicrhau ein bod yn ymgysylltu ymhellach gyda'r cyhoedd.</p> <p>Ychwanegodd yr Aelod Cabinet dros Dai, Cynllunio ac Adfywio ei bod yn bwysig ymgysylltu gydag ysgolion gan nad oedd nifer o bobl ifanc o reidrwydd yn talu Treth y Cyngor eto, ond y byddant yn gallu pleidleisio yn yr etholiadau sydd ar y ffordd.</p> <p>Trafododd Aelodau'r Cabinet yr angen i ni barhau i wneud yn well o ran ymgysylltu a sicrhau bod y cyhoedd yn cael dweud eu dweud, yn enwedig yn ystod y broses o bennu'r gyllideb.</p>
--------------	---

CABINET - DYDD MAWRTH, 20 CHWEFROR 2024

	<p><u>PENDERFYNWYD:</u> Nododd y Cabinet ganlyniadau'r ymgynghoriad fel y manylir yn yr adroddiad ymgynghori atodedig.</p>
Dyddiad y Penderfyniad	20 Chwefror 2024

297. Strategaeth Ariannol Tymor Canolig (MTFS) 2024-25 i 2027-28

Penderfyniad	<p>Cyflwynodd y Prif Swyddog Cyllid, Perfformiad a Newid adroddiad oedd yn cyflwyno'r Strategaeth Ariannol Tymor Canolig 2024-25 i 2027-28 i'r Cabinet, a atodwyd yn Atodiad 3 (ynghyd ag atodiadau cysylltiedig), sy'n cynnwys rhagolwg ariannol ar gyfer 2024-28, cyllideb refeniw fanwl ar gyfer 2024-25 a Rhaglen Gyfalaf ar gyfer 2024-25 i 2033-34, ac i argymhell bod y rhain yn cael eu cyflwyno i'r Cyngor i'w cymeradwyo ar 28 Chwefror 2024.</p> <p>Eglurodd ei bod yn ofynnol i'r Cyngor gymeradwyo cyllideb gytbwys ar gyfer y flwyddyn ariannol oedd yn dilyn ac i osod cyfraddau treth y cyngor ar gyfer y Cyngor Bwrdeistref. Mae'r adroddiad hwn yn gosod allan gynigion i gyflawni'r amcan hwn ac yn cyfrannu tuag at fod mewn safle ariannol cynaliadwy wrth fynd ymlaen i'r tymor canolig.</p> <p>Dywedodd y Prif Swyddog Cyllid, Perfformiad a Newid nad oedd y setliad ariannol ar gyfer Llywodraeth Leol yng Nghymru i fod i gael ei gyhoeddi hyd nes diwedd Chwefror, ac felly bod y gyllideb hon wedi cael ei chynnig ar sail setliad dros dro a dderbyniwyd ym mis Rhagfyr 2023. Bydd unrhyw newidiadau yn cael eu hadrodd amdanynt i'r Cyngor maes o law; fodd bynnag ni fydd hyn yn effeithio ar gynnig treth y Cyngor.</p> <p>Dywedodd yr Aelod Cabinet dros Gyllid, Adnoddau a Chyfreithiol, ar ôl derbyn y ddogfen MTFS drafft, y nodwyd bod yna hyblygrwydd o tua £4 miliwn. Cyflwynwyd hyn i'r Panel Ymchwilio a Gwerthuso'r Gyllideb (BREP) a'r pwyllgorau Archwilio dilynol a cheisiwyd sicrhau mewnbyn ganddynt ar sut i symud ymlaen. Roedd y broses o osod cyllideb wedi bod gyda'r anoddaf erioed, ac yn anffodus roedd angen gwneud toriadau i sicrhau bod y gyllideb yn gytbwys a chan leihau'r risg i ddarparu gwasanaethau a phrisiau'r dreth gyngor.</p> <p>Pwysleisiodd yr Aelod dros Dai, Cynllunio ac Adfywio bod Cyngor Bwrdeistref Sirol Pen-y-bont ar Ogwr</p>
--------------	--

CABINET - DYDD MAWRTH, 20 CHWEFROR 2024

	<p>wedi ceisio sicrhau bod y cyhoedd yn cael eu gwarchod rhag y gwaethaf o'r toriadau am flynyddoedd lawer, a bod hyn yn amlwg yn y cynnydd a fu yn nhreth y cyngor dros y blynyddoedd blaenorol. Eglurodd bod treth y cyngor y llynedd wedi ei chodi o werth oedd yn is na chwyddiant, a'r flwyddyn cyn hynny bod treth y cyngor wedi ei rhewi am y flwyddyn. Yn anffodus, nid oedd hyn yn bosib bellach tra bod yn rhaid i doriadau yn y gyllideb gael eu gwneud.</p> <p><u>PENDERFYNWYD:</u> Argymhellodd y Cabinet bod MTFS 2024-25 hyd 2027-28, yn cynnwys cyllideb reffeniw 2024-25 a Rhaglen Gyfalaf 2023-23 hyd 2033-34 yn cael eu cyflwyno i'r Cyngor i'w cymeradwyo. Yn benodol, cymeradwyodd y Cabinet y pwyntiau y manylir arnynt yn adran 9.1 yr adroddiad.</p>
Dyddiad y Penderfyniad	20 Chwefror 2024

298. Y Strategaeth Gyfalaf 2024-25

Penderfyniad	<p>Cyflwynodd y Prif Swyddog Cyllid, Perfformiad a Newid adroddiad ar Strategaeth Gyfalaf 2024-25 i 2033-34 (Atodiad A), sy'n cynnwys Dangosyddion Materion Ariannol y mae'r Cyngor yn mesur ei hun yn eu herbyn yn ystod y flwyddyn ariannol a'r Datganiad Darpariaeth Refeniw Isafswm Blynyddol 2024-25 (Adran 7 o Atodiad A), cyn ei gyflwyno i'r Cyngor i'w gymeradwyo.</p> <p>Eglurodd fod y Strategaeth yn pwysleisio'r pwysau roedd y Cyngor yn ei wynebu ar gyn o bryd. Mae'r pwysau ar y Rhaglen Gyfalaf yn cynnwys:</p> <ul style="list-style-type: none">• Cynnydd ym mhris deunyddiau, o ganlyniad i'r cyfraddau chwyddiant uwch sydd yn y DU a thu hwnt ar hyn o bryd, yn ogystal â chostau ychwanegol sy'n gysylltiedig gyda Brexit;• Trafferthion yn y gadwyn gyflenwi yn arwain at brisiau uwch ac oedi wrth gwblhau'r cynllun;• Heriau recriwtio o fewn y Cyngor ac o fewn y cwmnïau rydyn ni wedi cytundebu â hwy, gan arwain at gyflogau uwch a chostau cytundebol cyffredinol.• Mae gofynion ychwanegol ynghlwm wrth gynlluniau i gyflawni ymrwymiad Sero Net Llywodraeth Cymru, sy'n cynnwys nod o gyflawni sero net ar draws y sector gyhoeddus yng Nghymru, ac a fydd
--------------	---

CABINET - DYDD MAWRTH, 20 CHWFROR 2024

	<p>yn arwain at newidiadau yn y ffordd mae asedau yn cael eu cynllunio a'u rheoli, a bydd hyn yn debygol o arwain at gynnydd mewn costau.</p> <p>Gofynnodd yr Aelod Cabinet dros Gyllid, Adnoddau a'r Gyfraith a oedd unrhyw argymhellion pellach wedi dod o'r pwyllgorau archwilio. Eglurodd y Prif Swyddog Cyllid, Perfformiad a Newid bod awgrym wedi ei wneud y dylai bod y BREP yn gwybod am y Strategaeth Gyfalaf yn y camau cynnar er mwyn gallu bwydo mewn iddi wrth symud ymlaen.</p> <p>Cyfeiriodd yr Aelod dros Gyllid, Adnoddau a Chyfraith at y pwynt o dan Egwyddor 4 - sicrhau bod gwerthusiad cyn ac wedi'r prosiect yn cynnwys ymarfer 'gwersi a ddysgwyd. Gofynnodd am i hyn fod ar gael i'w archwilio unwaith yr oedd yn cael ei weithredu.</p> <p>Cyfeiriodd yr Aelod Cabinet dros Newid yn yr Hinsawdd a'r Amgylchedd at Gynllun Rheoli Asedau Priffyrdd (HAMP) yn yr adroddiad. Gofynnodd am i adroddiad gael ei ddwyn gerbron y Cyngor oedd yn gosod allan yn glir yr anghenion ariannol angenrheidiol er mwyn cadw ein priffyrdd yn ddiogel a'u bod yn cael eu defnyddio gan bawb. Mae gennym ddyletswydd statudol i wneud hyn ac felly mae angen i ni fod yn glir ynghylch sut y byddwn yn gwneud hynny.</p> <p>PENDERFYNWYD: bod y Cabinet yn ystyried yr adroddiad ac argymhellodd y dylid cyflwyno Strategaeth Gyfalaf 2024-25 i 2033-34, gan gynnwys Dangosyddion Materion Ariannol 2024-25 i 2033-34 a Datganiad Blynyddol y Ddarpariaeth Isafswm Refeniw (MRP) 2024-25 yn Atodiad A i'w cymeradwyo gan y Cyngor.</p>
Dyddiad y Penderfyniad	20 Chwefror 2024

299. Strategaeth Rheoli'r Trysorlys 2024-25

Penderfyniad	<p>Cyflwynodd y Prif Swyddog Cyllid, Perfformiad a Newid adroddiad ar Strategaeth Rheoli'r Trysorlys (TMS) 2024-25, sy'n cynnwys:</p> <ul style="list-style-type: none">• Strategaeth Benthycu 2024-25• Strategaeth Buddsoddi'r Trysorlys 2024-25• Dangosyddion Rheoli'r Trysorlys ar gyfer y cyfnod 2024-25 i 2026-27.
--------------	---

CABINET - DYDD MAWRTH, 20 CHWEFROR 2024

	<p>Tynnodd y Prif Swyddog Cyllid, Perfformiad a Newid sylw at y prif feysydd o fewn Atodiad 1, yn benodol dyled allanol y Cyngor a'r sefyllfa o ran buddsoddi o 30 Medi 2023 ymlaen, crynodeb o fantolen a rhagolygon y Cyngor a'r prif wrthwynebwyr i'r Cyngor eu dilyn yn ystod blwyddyn ariannol 2024-25.</p> <p>Gofynnodd Aelodau o'r Cabinet gwestiynau mewn perthynas â benthyciadau a buddsoddiadau ac fe'u hatebwyd mewn manylder gan Brif Swyddog Cyllid, Perfformiad a Newid.</p> <p>Gofynnodd yr Aelod Cabinet dros Dai, Cynllunio ac Adfywio pa sicrwydd oedd yna y byddai buddsoddiadau yn cael eu gwneud gan ddilyn yr arferion gorau. Cadarnhaodd y Prif Swyddog Cyllid, Perfformiad a Newid bod y Cyngor angen ystyried goblygiadau Amgylcheddol, Cymdeithasol a Llywodraethiant buddsoddi, a bod y rhain wedi eu gosod allan yng Nghod CIPFA.</p> <p><u>PENDERFYNWYD:</u> Bod y Cabinet:</p> <ul style="list-style-type: none">• Yn ystyried Strategaeth Rheoli'r Trysorlys ar gyfer 2024-25; ac• Yn argymhell bod Strategaeth Rheoli'r Trysorlys yn cael ei chyflwyno i'r Cyngor i'w chymeradwyo ar 28 Chwefror 2024.
Dyddiad y Penderfyniad	20 Chwefror 2024

300. Eitemau Brys

Penderfyniad	Dim
Dyddiad y Penderfyniad	20 Chwefror 2024

Er mwyn edrych ar y drafodaeth bellach a gafwyd ar yr eitemau uchod, cliciwch y [ddolen](#) hon

CABINET - DYDD MAWRTH, 20 CHWEFROR 2024

Daeth y cyfarfod i ben am 17.15